

Na osnovu članova 35. i 69. Statuta Općine Stari Grad Sarajevo – Prečišćeni tekst („Službene novine Kantona Sarajevo“, broj 20/13), Načelnik Općine Stari Grad Sarajevo raspisuje:

**JAVNI POZIV
mladim nezaposlenim osobama s mjestom prebivališta u Općini Stari Grad za prijavu
projekata na konkurs „Zajedno za Općinu“**

Općina Stari Grad poziva mlade nezaposlene osobe da, ukoliko imaju ideju koja može da promijeni i unaprijedi lokalnu zajednicu, prijave svoj projekat na konkurs “Zajedno za Općinu”. Podsticanjem i podrškom vašeg projektnog prijedloga, pružamo vam priliku da doprinesete razvoju svoje lokalne zajednice, te steknete mogućnost za volonterski rad u trajanju od jedne godine.

Predmet konkursa

U skladu sa Strategijom lokalnog razvoja Općine Stari Grad i prepoznavanja potrebe aktivnog uključenja mladih u razvoj lokalne zajednice, Općina Stari Grad pruža podršku realizaciji projekta iz sljedećih oblasti:

- Turizam i kultura: razvoj i obogaćivanje turističkih i kulturnih sadržaja u Općini Stari Grad;
- Zaštita životne sredine: aktivnosti koje rješavaju konkretne probleme u lokalnoj zajednici, te edukacija i podizanje svijesti o zaštiti životne sredine;
- Socijalna zaštita: podrška projektima usmjerenim ka pomoći socijalno ugroženim grupama, te razvoju socijalnih usluga u zajednici.

Opšti uslovi konkursa

- Pravo učešća u konkursnoj proceduri imaju mladi starosne dobi od 24 do 30 godina sa završenim fakultetom i sa mjestom prebivališta u Općini Stari Grad Sarajevo, a koji su na evidenciji biroa Službe za zapošljavanje, te koji nemaju radnog iskustva.
- Podnosilac projekta mora biti i njegov implementator.
- Kandidati čiji projekti budu izabrani za realizaciju imati će priliku volontirati u Općini Stari Grad Sarajevo i raditi na aktivnostima realizacije projekta, te steći Potvrdu o volonterskom stažu.
- Svaki pojedinac može prijaviti samo jedan projekat u okviru svake od navedene oblasti.
- Neformalne grupe, udruženja, preduzeća, profitne organizacije nemaju pravo prijave na konkurs.

Kriterij za odabir projektnog prijedloga

- Projektne aktivnosti mora realizovati sam aplikant odnosno podnosilac projekta uz podršku nadležnih Službi Općine Stari Grad Sarajevo;
- Projektne aktivnosti moraju biti realizovane isključivo na teritoriji Općine Stari Grad Sarajevo;
- Projektne aktivnosti se moraju odnositi na konkretna i mjerljiva unaprjeđenja uslova za dugoročni razvoj prioriternih oblasti navedenih u predmetu konkursa sa potencijalom da doprinesu dobrobiti za čitavu lokalnu zajednicu;

- Projekat treba da doprinese trajnim promjenama i napretku u lokalnoj zajednici i da sadrži jasan i koncizan plan održivosti.
- Projekat treba da je inovativan.
- Pri izradi projekta mora postojati relevantnost problema kojim se projekat bavi u odnosu na potrebe lokalne zajednice.

Kroz konkurs neće biti podržavane:

- Aktivnosti koje su usmjerene na promociju političkih stranaka i vjerskih stavova;
- Aktivnosti kojima se zagovara govor mržnje, širi netolerancija, rasizam ili vrši diskriminacija bilo koga po bilo kojoj osnovi;
- Projektne aktivnosti u vezi sa vjerskim i religijskim pitanjima;
- Pojedinačne molbe kao što su objava knjiga i sl. materijala, okrugli stolovi, izleti, vlastiti koncerti i predstave;
- Kupovina opreme koja ne služi provođenju projektnih aktivnosti.

Rok i način prijave

Za učešće na konkursu potrebno je poslati:

- Popunjen projektni obrazac, kojeg možete preuzeti **OVDJE** ili direktno u Sektoru za lokalni razvoj Općine Stari Grad Sarajevo;
- Kopiju lične karte;
- CIPS prijavnicu;
- Diplomu o završenom fakultetu;
- Potvrdu sa evidencije o nezaposlenosti;
- Izvod iz radne knjižice.

Kompletnu dokumentaciju treba dostaviti u zatvorenoj koverti lično ili poštom na adresu:

Općina Stari Grad Sarajevo
Šalter sala/protokol
Ul. Zelenih beretki br. 4
71000 Sarajevo
sa naznakom: „Zajedno za Općinu“.

Rok za predaju je 20. novembar, 2015. godine do 14 sati. Prijave poslane nakon navedenog roka neće biti razmatrane, osim u slučaju da poštanski žig ukazuje na datum slanja prije zvaničnog roka.

Rezultati konkursa će biti objavljeni 21. decembra, 2015. godine na web stranici Općine Stari Grad.

Za dodatne informacije kontaktirajte nas putem telefona 033 282 375 ili e- mail adrese: irma.mandzuka@starigrad.ba i admira.muhic@starigrad.ba

Broj: 09-05-6302/15

NAČELNIK OPĆINE
mr. Ibrahim Hadžibajrić